

ШОЧМО ЭЛЫМ АРАЛЫШЫМ КАЛЫК ОК МОНДО

Российште кажне еш да школ икшывыжым ача-авам пагалаш, шочмо элым аралаш туныктен куштат. Патриотизм шўлыш дене айдеме илышыже мучко шу-аралт толеш. Шуко енын тиде койыш пытаргыш шўлышыжō марте коদেশ. Порылык, тыныс илыш - кеч-кōланат шерге да ик эн тўн вий.

Кок ий утла Украин мландыште нацизм ваптареш сцецоопераций кая. Мемнан Морко районын эргыже-влакат шке порысыштым лўддымын шуктат. Кеч-могай сарат вўр йогымо, сусыргымо да колымаш деч посна ок лий. Йўштō мланде самырык рвезым, эргым, ачам шке помышышкыжо, шўм пелашын, ава-ачан, икшывын, ешын, родо-тукымын шинчавўдышт дене нōрышō мландышке курымеш ондал пышта.

Пытаргыш жапыште вийвал пōр-ен-влакым, ача-влакым, сурто-за-влакым йомдарена. Ешыште кунар икшыве-влак ачаштым ужде кушкыт, нуным авашт шкет куштат. Ешым погыдымо мыняр каче-шамыч курымеш-шлан ош тўня дене чеверласат.

Мыят шке тунемшем Александр Егоровым пырля тунемше йолташыже-влак дене пырля пытаргыш корныш ужатышна. Чон коржеш, ни-мом от ыште. Тудо тыныс илышым аралышыла вуйжым пыштен. Саша Ильинский ялеш шочын-кушкын, кызыт тиде ял почингашке савыр-нен. Ял пеш сылне, но рўдō корно деч моткоч чот тора. Индеш классым



А.Егоров

тунем пытарымеке, Саша пошкудо Коркатово школыш тунемаш толын. Тыште тудо кок ий шинчымашым нōлтен. Тыматле койышан, оршырак рвезе ыле. Шуко мутан огыл, но моткоч чот пашаче лийын. Спорт дене пенгыде кылым кучен. Ик тагасы-машат тудын деч посна эртен огыл. Я куржталмаш, я ече - эре сенгыше радамыште. Пеш ўшанле лийын, нигунамат шентелан шылын кодын огыл.

Кок тўжемше ийлам шергал лекташ гын, шинча ончылно кинолентыла ял илыш сўретлалтеш: пашадарым огыт пу, кочкаш налаш кевытыште талон, чияш налаш уке. Йочам йолўмбақ шогалташ кажне ача-ава

тўрлō йōным кычалын. Лидия Николаевна дене Руслан Николаевич Егоровмытат икте-весеылан энертен илаш шоненыт. Но яндар шонымаш ден пўрымаш пырля огыт кошт. Тыге самырык ава ныл икшыве дене тullyкеш шинчын коদেশ. Еш оза Руслан Николаевич самырыкак ош тўня дене чеверласен. Саша талук да 10 тылзаш кодын. Шкет ўдырамаш нимогай паша деч лўдын шоген огыл. «Ленин корно» колхозышто сōснам ончышылан ыштен. Икшыве-влакат аваштлан тўрлō сомылкам ышташ полшеныт.

Тулык авам чаманен, Николай Викентьевич пōр-ен-семын польш-кален. Жап эртыме семын, икшы-ве-влакат тудын деке шўмангыныт, пырля пашам ыштеныт. Тыге Николай Викентьевич икшыве-влаклан энергыш лиеш. Лидия Николаевна самырык ачалан ўдырым пōлекла.

Кок ий шентелан кодын, Саша Йошкар-Оласе Поволжский куты-жаныш технологический университетыш тунемаш пурен. Но кокимшо курс деч вара англичан йылмылан кōра тунеммым кудалташ пернен. Рвезе Россий армий радамыш каен, службым Дагестаныште эртен. Тиде пагытыште Чечняште сар пуламыр каен шоген. Тыште Саша икымше боевой урокым налын. Армий деч вара шочмо ялышкыже пōртылын, тўрлō вере пашам ыштен. 2019 ий гыч «Звениговский» совхозышто экспедиторлан коштын, Морко да Волжск районласе школ учрежде-нийлашке кочкышым шупшыктен.

Украин мландыште спецопера-ций тўналмеке, Саша мобилизаций толкын дене шке порысышым шук-таш каен. Тудо артиллерист лийын. 2023 ий 1 январь гыч Донецк Рес-публикым аралымаште Александр Егоров шке йолташыже-влак дене лўддымын шоген. 17 майыште Первомайский районышто пеш кугу кредалмаш каен шоген. Сашан йол-ташыже-влак окруженийыш логалы-ныт. Тудо сусыр рвезе-влакым утар-нен, но тушманын снарядше тудын илышыжым 18 майыште кўрлын.

Лидия Николаевна шке ешыже дене Сашан капшым ик ий чоло кычалын. Мыняр шинчавўд йогы-мым шкежак веле пала. Но ава чыла сенен лектын. Увер деч посна йомшо эргыжым шке шочмо Морко кунде-мышкыже ўмырешлан пōртылтен. Шўгар ўмбақыже миен, сортам чўк-тен кертеш, но сусыргышо чоным нимоат паремден огеш керт. Лач шарнымаш гына ўмырешлан коদেশ.

Самырык рвезын онжым «За осво-бождение Луганской и Донецкой народных республик» медаль да Па-тырлык орден волгалтарышаш ыле. Лидия Николаевна, тыгай эргым ончен куштымыланда пеш кугу тау. Лач шкеже веле таза лийза.

Тиде спецоперацийын кунаре шуй-нымыжым нигбат ок пале. Самырык салтак-влакым тек Юмо арален ко-штыкта да мōнтō пōртылта. Ава-влакын шинчавўдышт нигунамат ынже його.

Нина АРКАДЬЕВА,

2006 ийысе класс вуйлатыше